



UNIVERSITÄTS-
BIBLIOTHEK
PADERBORN

Universitätsbibliothek Paderborn

Der Hutterischen Widertaufer Taubenkobel

Fischer, Christoph Andreas

Jngolstatt, 1607

Titulus XXVII. Was die Widertaufer vonn dem zutrincken halten.

urn:nbn:de:hbz:466:1-32901

schicht/ Kan ich bey mir gang vnd gar nit finden. Dan
weil solche gehören zu erhaltung guter policcy/ vnd
zu nutz den reisenden sein erfunden/ so ist es wol billich
daß solche verhanden seyn. Vnd ob sich schon etwas
böses darinnen zutrüge/ so müssen sie doch passiret
werden nach der gemeinen Regel. Propter abusum nō
est tollendus vsus. Was aber die Widertaußer gleich
jetzt ankömpt/ daß sie sich also freigebig erzeygen weiß
ich nit. Sonst ist mir wol bewust/ daß sie niemand
nichts vmb sonst geben/ auch nichts das geringste inn
Verkauffung ihrer Waahren nachlassen. Ich zwar hab
solche freygebigkeit bey inen niemals gespüret / denn
ich auch niemals bey ihnen hab einkehret/ aber doch vñ
andern werde ich berichtet / daß sie keinen nur nichts
schencken / sonder ihre sachen teuer genug schätzen.

Was die Widertaußer vonn dem zutrincken halten.

Tirulus
XXVII.

Ob einer dem andern eines möge
zutrincken?

Nein.

Darumb ist das zutrincken in der Wurtzel böse/ wie es jmer geschicht vnd vom Teuffel erdacht/ daß er die Menschen damit sahe/ inn sein netz ziehe/ ihm anhängig vnd von Gott abfellig mache/ vnd in alle Sünde führe / derhalben man es billich mehr dann ein Schlangen fliehen soll. Rechenſchafft/ fol. 160. a. b.

Den rechten grund dises verbotts möchte ich gern wissen. Die vrsachen so sie anziehen seyn nicht böse/ aber sie selber vernichten solche. Denn ob sie schon nicht ein-

J

ander

ander auff diese weise zutrinken / wie wir Christen / so haben sie doch andere weise vnd Wörter die sie brauchen im zutrinken / also daß mehr einer durch ihre weise / ale durch die vnserige zum trincken werde gereizet. Dann etliche vnder ihnen sagen also. Ich fahr ins Holz / der ander sagt. Ich spann darfür / als dan antwort der erste widerumb / lieber Bruder es gilt mir vnd dir. Andere sprechen also. Ich fahr / der ander fragt / wie weit ? so sagt der erste herwider. Bis daß der kleine Finger oben leut. Etliche sagen. Hinumb. So sagt der ander darauff. Herumb. Wirdt durch diese weis zu zutrinken nicht einer zu sünden gereizet? Ohn zweyffel / vnd sonderlich zum vol sauffen / also daß sie oft nicht mehr können gehen vnd stehen / als dann entschuldigen sie sich vnd sagen / sie seyn müde. Ich glaube gerne / aber nicht von der Reise oder Arbeit / sondern vom trincken.

Tirulus
XXVIII.

Was die Widertauffer für grosse
straffet leiden.

Ob die Widertauffer grosse Peyn
außstehen ?

Nein.

2 **S** Kumb als er vnns auch als seine liebe
2 Kindelein ein wenig züchtiget / nach seinem väter-
2 terlichen willen vnd wolgefallen mit einer klei-
2 nen Rutten / ja nur mit einem Fuchschwanz. Inn der
2 Epistel geschriben von den Brüdern / gefangen auff
2 dem Schloß Salckenstein.

Es